

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**PROGNOSTICA=||TIO IOANNIS LIECHTENBERGERS, QVAM  
OLIM SCRI-||psit super magna illa Saturni ac Iouis  
coniunctione, quae fuit Anno M.CCCC.||LXXXIII. praeterea  
ad eclipsim Solis anni sequētis uidelicet ...**

**Lichtenberger, Johannes**

**Köln, 1526**

Capvt vndecimvm

[urn:nbn:de:bsz:31-160364](https://nbn-resolving.org/urn:nbn:de:bsz:31-160364)

nis ad altissimū, uinces tu & lex Israel tecum, & dormiant arma uir-  
 tricia tua, aliās titulum Martis excitabis, & suppedabitur Aquilæ  
 grandī quod louistæ moerebunt, & Mercurius gaudebit.

EPISCOPVS HABENS RVBEAM CRV.  
 crucem in manu dextra, & baculum me-  
 diū, partem scilicet inferiorem,  
 manu sinistra.



CAPVT VNDECIMVM.

F ij

PROGNOSTICVM IOANNIS



Ost mortē beatissimi Materni in Alsatia in uis-  
 la Elegia nomine, redierunt Eucharicus & Va-  
 lerius Romam ad sanctum Petrum dicentes,  
 Supplicamus ut alium nobis adiugas loco Ma-  
 terni. Respondit Petrus, Non est faciendū ita,  
 sed ut manifestetur gloria dei coram gentibus,  
 Accipite hunc baculum meum, & supponite il-  
 li dicentes, Præcepit tibi Petrus Apostolus, ut in nomine Ihesu Chri-  
 sti resurgas, quod factum est. qui quadraginta diebus iacuit cadauer  
 in sepulchro, & uixit postea ille Maternus quadraginta annis. De  
 post & dum populum Treuirensē baptizaret, tanta simul multitu-  
 do confluxit, ut eos baptizari oporteret in riuulo qui ciuitatem irri-  
 gat, qui tunc Belgis dicebatur. Et dum oleum sanctū deficeret, misso  
 cælitus oleo, totus ille riuulus consecratus oleo sancto omnibus appa-  
 rebat, & appellatus Oleuia usq; in hodiernum, quasi olei uia. Porro  
 baculus eius cum quo resuscitatus fuerat, post mortem ipsius in duas  
 partes est diuisus, Cuius pars inferior cum corpore pontificis est pe-  
 nes Treuirenē. superior pars baculi apud Colonienē. ea qua decet re-  
 uerentiā, referuatur. Et est causa quare Romanus pontifex baculū  
 non habet, quem beatus Petrus spiritu prophetico transmisit in uos  
 Germanos, Notate uerba, & signate mysteria uos Germani. Quis  
 uos separabit à Treuirenē. à Colonienē. fratres em̄ estis? Quid digni-  
 us baculo sancti Petri? ubi Romanus pontifex suscitabat multitudi-  
 nem gentium ad fidem Christi. Quid per Petrum nisi sacerdotium  
 intelligimus? & quid per baculum nisi pastoralis autoritas? per quā  
 suscitatur ouis errans, ad ouile reducitur. Per hunc baculum pastor  
 sustentatur, dum Romanorū rex summū pontificem, omni qua po-  
 test reuerentiā & honore, subleuat & exalrat. Hunc baculum bea-  
 tus Petrus Romanus & Antiochenus Episcopus per Eucharium  
 transmisit ad Galliam Belgicam, dum Romanus pontifex per ma-  
 nus magnifici Caroli Rhomanum Imperium de Græcis transtu-  
 lit in Germanos, longe anteq; fieret id, Petrus spiritu prophetico in  
 sua missione pastoralis baculi, partem inferiorem ecclesie Treuiren-  
 si, sed longiorem Colonienē. Quia licet ciuitas Treuirenē, antiquita-

te sit longior, Coloniaen. tamen non inferior potestate & merito.

## CAPVT DVODECIMVM



Olonia igitur superiorem tenet partem baculi quia Coloniaensis Episcopus non solum Romanorum regem eligere habet, sed electum pre omnibus alijs principibus tenetur & debet consecrare. In hoc Romani pontificis praecurrens officium, qui regem electum Canonice in Imperatorem consecrat Romanorum. Manifestum est ergo quod non solum humana solertia ex necessarijs & rationabilibus causis fuit institutum, immo diuina praefiguratione praesignatum. sed de hoc non est uobis gloriandum. Sed quantum uos ostenditis reprehensibiles, tanto magis uos ab Imperatoris obsequio facitis alienos. Quid Esaiæ dicit. xxij. audiat. Haec dicit dominus exercituum, Vade, & ingredere ad eum qui habitat in tabernaculo ad Sobnam praepositum templi, & dices ei, Quid tu hic? aut quasi quis hic? quia excidisti tibi hic sepulchrum. excidisti tibi in excelso memoriale, diligenter in Petra tabernaculum tibi. Ecce dominus asportari te faciet sicut asportatur gallus gallinacius. Heu si amicitia non est inter uos fratres, quomodo erit inter extraneos? Tempus adest, quod heu mala plura inaudita circumquaque euestigio surgere debent.

## CAPVT TREDECIMVM.



Viri prudentissimi sub baculo sancti Petri attendite quæso. Reynhardus Lolhardus in quadam uisione ita uidens tribulationes cleri in ecclesia sancti Petri, prorupit in hæc uerba. Post hoc certabant duo fratres, habentes unum baculum in ambabus manibus, unus rubeam crucem inferius gestabat, alter nigram crucem superius, & totus clerus tristabatur. Accesserunt lupus & ursus rapientes baculum, steterunt fratres contristati, timendum quod tempus adsit, Datur intelligi, quo-

F ij